

Tende canto di Trupialen na caminda pa nos 60 aña



PUES despues di nan exitoso presentacionnan di e show "E Gran Velada" e Trupialen a tuma un descanso durante vakantie grandi. Y asina dia 21 September 1953 tabata e prome repetitio despues di vakantie. Durante di e reunion aki e muchanan a ser poni na altura di e plannan pa e lunanan cu ta sigui. Nan a haya un schedule nobo di training. E grupo a wordo parti den Sopraan y Alt. Nan mester cuminsa train pa e misa di fiesta di Cristo Rey. Y tambe cuminsa prepara pa celebracion di Pasco. E repetitienan tabata tur dialuna, diaranson y diabierna despues di scol. Pues dia 25 di October nan a participa na e procesion y despues a canta pa prome biaha cu e Frèrenan dus un coro mixto den Misa di San Francisco.

Riba 10 di November a celebra na scol pa prome biaha e fiesta di Santa Cecilia, cu ta patrona di De Trupialen. E muchanan a haya un treat y tambe nan por a wak un pelicula.

Y e trainingnan ta sigui. Dia 22 di December de Trupialen a bay canta pa e presonan. Y dia 29 di December tabata tin e celebracion di Pasco pa e mayornan. Tabata un bunita anochi cu canto, declamacion, un come-

dia di Pasco, y na final tur e muchanan a ricibi un regalito. Despues di kerstvakantie e trainingnan a continua. Dia 9 di Januari Frère a bay beach cu e muchanan como aprecio pa nan bunita presentacion durante e celebracion di Pasco.

Dia 13 di Januari 1954 De Trupialen a celebra nan prome aniversario cu un anochi di pelicula y treat. Tambe nan a bay canta na Radio Kelboom. Dia 14 di Maart nan a canta pa prome biaha durante e caminda di cruz, anto bisti den nan toga preto y e superplie. Hopi bunita esaki tabata ta.

Dia 4 di April nan a canta e Misa Pontificalis.

Mientras tanto a cuminsa cu preparacionnan pa un show despues di Paasvakantie. Pues tabata dianan di hopi training. E ultimo dos simannan prome cu e Uitvoering tabata train practicamente tur dia. Pero e muchanan tabata haci cu hopi amor y disciplina. Paso pronto nan ta riba escenario atrobe. Y nan tabata gusta esey. Camara luz accion.....!!!!!!

Es mas, e biaha aki e show ta bay ta den De Veer Theater. Waw..... Ta continua.....

e-mail: detrupialenaruba@hotmail.com
facebook: detrupialenaruba